

МОНГОЛ УЛСЫН ХУУЛЬ

2025 оны ... дугаар
сарын ...-ны өдөр

Улаанбаатар
хот

ЭРҮҮГИЙН ХЭРЭГ ХЯНАН ШИЙДВЭРЛЭХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Эрүүгийн хэрэг хянан шийдвэрлэх тухай хуульд доор дурдсан агуулга бүхий зүйл, хэсэг, заалт нэмсүгэй:

1/2.2 дугаар зүйлийн 14, 15, 16, 17, 18 дахь хэсэг:

“14.Өсвөр насны хүн холбогдсон гэмт хэрэг, өсвөр насны хүнд холбогдуулан авах энэ хуулийн 14.1 дүгээр зүйлийн 1.2, 1.3, 1.5-д заасан таслан сэргийлэх арга хэмжээ, өсвөр насны хүнийг энэ хуулийн 31.4, 31.5 дугаар зүйлд заасны дагуу баривчлах ажиллагааг Нийслэл дэх Гэр бүл, хүүхдийн хэргийн анхан шатны тойргийн шүүх хянан шийдвэрлэнэ.

15.Гэрлэлт цуцлуулах тухай нэхэмжлэл гаргасан шалтгаан нь Эрүүгийн хуулийн 11.7 дугаар зүйлд заасан Гэр бүлийн хүчирхийлэл үйлдэх эрүүгийн хэрэг бол прокурор, оролцогчийн саналыг үндэслэн Нийслэл дэх Гэр бүл, хүүхдийн хэргийн анхан шатны тойргийн шүүхээр уг хэргийг хянан шийдвэрлүүлэхээр Улсын дээд шүүхийн Эрүүгийн хэргийн танхимын тэргүүн хэргийн харьяаллыг өөрчлөн тогтоож болно.

16.Энэ зүйлийн 14 дэх хэсэгт заасны дагуу өсвөр насны хүнд холбогдсон гэмт хэргийг хянан шийдвэрлэсэн Нийслэл дэх Гэр бүл, хүүхдийн хэргийн анхан шатны тойргийн шүүхийн шийдвэрт гаргасан гомдол, эсэргүүцлийг Гэр бүл, хүүхдийн хэргийн давж заалдах шатны шүүх, бусад нутаг дэвсгэр дэх анхан шатны шүүхийн шийдвэрт гаргасан гомдол, эсэргүүцлийг тухайн шүүхийг харьяалах давж заалдах шатны шүүх хянан шийдвэрлэнэ.

17.Энэ хуулийн 18.4 дүгээр зүйлийн 2 дахь хэсэгт заасан тохиолдолд өсвөр насны яллагдагч, шүүгдэгчид холбогдох хэргийг гэмт хэрэг үйлдсэн газрын шүүх шийдвэрлэнэ.

18.Өсвөр насны хүн холбогдсон гэмт хэргийг хянан шийдвэрлэх шүүхийн харьяаллыг прокурорын саналыг үндэслэн Улсын дээд шүүхийн Эрүүгийн хэргийн танхимын тэргүүн өөрчлөн тогтоож болно.”

2/14.1 дүгээр зүйлийн 1 дэх хэсгийн 1.7 дахь заалт:

“1.7.батлан даагчийн хяналтад өгөх.”

3/14.1 дүгээр зүйлийн 5 дахь хэсэг:

“5.Энэ зүйлийн 1.7-д заасан таслан сэргийлэх арга хэмжээг өсвөр насны яллагдагч, шүүгдэгчид мөрдөгч, прокурор, шүүгчийн шийдвэрээр авна.”

4/14.15 дугаар зүйл:

“14.15 дугаар зүйл.Өсвөр насны яллагдагч, шүүгдэгчийг батлан даагчийн хяналтад өгөх

1.Өсвөр насны яллагдагч, шүүгдэгчийн хууль ёсны төлөөлөгч, эсхүл батлан даагчийн үүргийг хүлээх чадвартай насанд хүрсэн этгээд нь хэрэг хянан шийдвэрлэх ажиллагааны явцад өсвөр насны яллагдагч, шүүгдэгчийг дахин гэмт хэрэг, зөрчилд холбогдохоос урьдчилан сэргийлж хяналтдаа байлгах, шүүх, прокурор, мөрдөгчийн дуудсан цагт ирүүлж байхыг хариуцаж, бичгээр батлан даалт гаргана.

2.Батлан даагч нь хоёроос доошгүй байна.

3.Өсвөр насны яллагдагч, шүүгдэгч батлан даалтад өгөх таслан сэргийлэх арга хэмжээг зөрчвөл уг арга хэмжээг өөрчлөх, батлан даалт гаргасан хүнд Зөрчлийн тухай хуульд заасан хариуцлага хүлээлгэж, эрэн сурвалжлах ажиллагааны зардал төлүүлэхийг урьдчилан сануулна.”

5/18.6 дугаар зүйлийн 6 дахь хэсэг:

“6.Хойшлуулшгүйгээс бусад тохиолдолд өсвөр насны хүнийг сургууль дээр нь баривчилж болохгүй.”

6/25.3 дугаар зүйлийн 8 дахь хэсэг:

“8.Бага насны хүүхдийн мэдүүлгийг хүүхдийн тусгай өрөөнд авч дуу, дүрсний бичлэгээр баталгаажуулна.”

7/29.2 дугаар зүйлийн 10 дахь хэсэг:

“10.Өсвөр насны яллагдагчийн үйлдсэн хэд хэдэн эрүүгийн хэргийг нэгтгэнэ.”

8/33.3 дугаар зүйлийн 1 дэх хэсгийн 1.4 дэх заалт:

“1.4.өсвөр насны яллагдагчийн үйлдсэн хэргүүдийг нэгтгэх үндэслэл илэрсэн.”

9/35.10 дугаар зүйлийн 3 дахь хэсэг:

“3.Бага насны хохирогчийг шүүх хуралдаанд оролцуулах нь түүний эрх ашигт сөргөөр нөлөөлөхөөр бол энэ хуулийн 35.17 дугаар зүйлд заасан журмын дагуу түүнийг шүүхэд ирүүлэхгүйгээр урьд өгсөн мэдүүлгийг шинжлэн судалж, эсхүл дуу-дүрсний төхөөрөмж ашиглан шүүх хуралдаанд оролцуулах замаар мэдүүлэг авч, асуулт тавьж, хариулт авч болно.”

2 дугаар зүйл.Эрүүгийн хэрэг хянан шийдвэрлэх тухай хуулийн 12.1 дүгээр зүйлийн 6 дахь хэсгийн “өсвөр насны” гэсний дараа “сэжигтэн,” гэж, 14.11 дүгээр зүйлийн 2 дахь хэсгийн “үйлдсэн бол” гэсний дараа “энэ хуульд заасан өөр таслан

сэргийлэх арга хэмжээ авах боломжгүй тохиолдолд” гэж, 18.3 дугаар зүйлийн 1.5 дахь заалтын “төрвөл” гэсний дараа “энэ талаар болон тухайн шүүгдэгч гэмт хэрэг үйлдэхийн өмнө болон дараах сэтгэл санааны байдал, гэмт хэрэг үйлдэх үедээ ямар нөхцөл байдалд байсныг тогтоох зорилгоор” гэж, 25.2 дугаар зүйлийн 1, 2 дахь хэсгийн “нийт хугацаа” гэсний дараа “завсарлагын хугацааг оролцуулан нэг хоногт” гэж, 35.15 дугаар зүйлийн 2 дахь хэсгийн “хүмүүжүүлэгч,” гэсний дараа “хүүхдийн асуудал эрхэлсэн төрийн захиргааны байгууллагын ажилтан” гэж тус тус нэмсүгэй.

3 дугаар зүйл. Эрүүгийн хэрэг хянан шийдвэрлэх тухай хуулийн дараах зүйл, хэсгийг доор дурдсанаар өөрчлөн найруулсугай:

1/18.1 дүгээр зүйлийн 2 дахь хэсэг:

“2.Өсвөр насны сэжигтэн, яллагдагч, шүүгдэгчид холбогдох хэргийг хянан шийдвэрлэх ажиллагаанд өмгөөлөгч, хууль ёсны төлөөлөгчийг оролцуулахаас гадна түүний сэтгэл зүйн байдалд эргэлзээ төрвөл мэдүүлэг авах ажиллагаанд сурган хүмүүжүүлэгч, сэтгэл зүйчийг байлцуулж болно.”

2/18.2 дугаар зүйл:

“18.2 дугаар зүйл.Өсвөр насны сэжигтэн, яллагдагч, шүүгдэгчид холбогдох хэргийг хянан шийдвэрлэх ажиллагаанд баримтлах нийтлэг шаардлага

1.Өсвөр насны сэжигтэн, яллагдагч, шүүгдэгчид холбогдох хэргийг хянан шийдвэрлэх ажиллагаа явуулах, шийдвэр гаргахдаа түүний эрх, хууль ёсны ашиг сонирхлыг хамгаална.

2.Өсвөр насны сэжигтэн, яллагдагч, шүүгдэгчтэй харьцахдаа түүний нэр төрийг хүндэтгэн харьцаж, насны онцлогийг харгалзан хүмүүжих, алдаагаа засах боломж олгоно.

3.Эрүүгийн хэрэг хянан шийдвэрлэх ажиллагааг хаалттай явуулсан бол шийдвэрийг олон нийтэд мэдээлэхдээ өсвөр насны сэжигтэн, яллагдагч, шүүгдэгчийн эрх, хууль ёсны ашиг сонирхол, түүнд учирч болох бусад хор уршгийг харгалзана.

4.Өсвөр насны сэжигтэн, яллагдагч, шүүгдэгчид холбогдох хэргийг хянан шийдвэрлэх ажиллагааг энэ хуульд заасан ердийн журмаар явагдах ажиллагаанаас шуурхай, богино хугацаанд явуулах нөхцөлийг хангана.”

3/25.3 дугаар зүйлийн 2 дахь хэсэг:

“2.Арван найман насанд хүрээгүй гэрчээс мэдүүлэг авахад хууль ёсны төлөөлөгч, эсхүл төрөл, садангийн хүнээс гадна түүний сэтгэл зүйд эргэлзээ төрвөл сурган хүмүүжүүлэгч, хүүхдийн асуудал эрхэлсэн төрийн захиргааны байгууллагын ажилтан, сэтгэл зүйчийг оролцуулж болно. Мэдүүлэг авах ажиллагаанд байлцсан хүнд эрх, үүргийг нь тайлбарлан өгч, энэ тухай тэмдэглэлд тусгана. Сурган хүмүүжүүлэгч, хүүхдийн асуудал эрхэлсэн төрийн захиргааны байгууллагын ажилтан, сэтгэл зүйчийг мэдүүлэг авах өрөө, эсхүл мэдүүлэг авах ажиллагааг ажиглах техникийн нөхцөл хангасан тусгай өрөөнөөс оролцуулах эсэхийг оролцогчийн санал, хүүхдийн эрх ашгийг харгалзан мөрдөгч, прокурор шийдвэрлэнэ.”

4/25.3 дугаар зүйлийн 5 дахь хэсэг:

“5.Арван найман насанд хүрээгүй хүнээс мэдүүлэг авах ажиллагаанд оролцож байгаа өмгөөлөгч, хууль ёсны төлөөлөгч, төрөл, садангийн хүн, сурган хүмүүжүүлэгч, хүүхдийн асуудал эрхэлсэн төрийн захиргааны байгууллагын ажилтан, сэтгэл зүйч нь мөрдөгчийн зөвшөөрснөөр асуултыг зөв ойлгосон эсэхийг тодруулан асууж, тайлбарлаж болно. Арван найман насанд хүрээгүй гэрч, хохирогчид тавьсан тодорхой асуулт түүний эрх ашиг, сэтгэл зүйд сөргөөр нөлөөлнө гэж тухайн мэдүүлэг авах ажиллагаанд оролцсон сэтгэл зүйч, сурган хүмүүжүүлэгч санал гаргавал мөрдөгч тухайн асуултыг зөвхөн прокурор, шүүгчийн зөвшөөрлөөр дахин тавьж болно.”

4 дүгээр зүйл. Эрүүгийн хэрэг хянан шийдвэрлэх тухай хуулийн 18.6 дугаар зүйлийн 4 дэх хэсгийн “эсхүл өмгөөлөгчид нь 6 цагийн дотор мэдэгдэнэ.” гэснийг “өмгөөлөгчид нь даруй мэдэгдэнэ.” гэж, 35.15 дугаар зүйлийн 1 дэх хэсгийн “гэрчээс” гэснийг “гэрч, хохирогч, шүүгдэгчээс” гэж, мөн зүйлийн 2 дахь хэсгийн “гэрчийн” гэснийг “гэрч, хохирогч, шүүгдэгчийн” гэж тус тус өөрчилсүгэй.

5 дугаар зүйл. Эрүүгийн хэрэг хянан шийдвэрлэх тухай хуулийн 18.3 дугаар зүйлийн 5, 6 дахь хэсгийг тус тус хүчингүй болсонд тооцсугай.

6 дугаар зүйл. Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны .. дугаар
сарын ..-ны өдөр

Улаанбаатар
хот

ЭРҮҮГИЙН ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Эрүүгийн хуулийн 8.7 дугаар зүйлийн 3 дахь хэсэгт заасан “хүүхдийн асуудал эрхэлсэн төрийн захиргааны байгууллага” гэсний дараа “шүүхийн шийдвэр гүйцэтгэх байгууллага болон Хүүхэд хамгааллын тухай хуульд заасан хүүхдийн эрхийн хууль зүйн хороотой хамтран” гэж нэмсүгэй.

2 дугаар зүйл. Эрүүгийн хуулийн 8.7 дугаар зүйлийн 2 дахь хэсгийг доор дурдсанаар өөрчлөн найруулсугай:

“2.Шүүх гэмт хэрэг үйлдсэн өсвөр насны хүнийг гэм бурууг нь ухамсарлуулах, хохирлыг нөхөн төлүүлэх, хөдөлмөрлөх, амьдрах зөв арга барилд сургах, гэмт хэрэг дахин үйлдэхээс урьдчилан сэргийлэх зорилгоор энэ хуулийн 7.3 дугаар зүйлийн 2, 3 дахь хэсэгт заасан үүрэг, хязгаарлалтаас гадна дараах үүрэг, хязгаарлалтыг хүлээлгэнэ:

2.1.өсвөр насны хүнд болон түүний гэр бүлд сэтгэл зүйчээс зөвөлгөө, эмчилгээ авахыг даалгах;

2.2.нийгэмд чиглэсэн сайн дурын ажиллагаанд хамруулах;

2.3.хичээлийн ирцээ тогтмол хүргүүлэхийг даалгах;

2.4.хохирогчоос уучлал хүсэхийг даалгах;

2.5.шөнийн цагаар гэртээ байхыг даалгах;

2.6.өсвөр насны хүнийг хүмүүжүүлэхэд шаардлагатай бусад.”

3 дугаар зүйл. Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны .. дугаар
сарын ..-ны өдөр

Улаанбаатар
хот

ЗӨРЧИЛ ШАЛГАН ШИЙДВЭРЛЭХ ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл.Зөрчил шалган шийдвэрлэх тухай хуулийн 1.8 дугаар зүйлд доор дурдсан агуулга бүхий 12,13,14 дэх хэсэг нэмсүгэй:

“12.Арван зургаагаас арван найм хүртэлх насны хүний холбогдсон зөрчлийн хэргийг Нийслэл дэх Гэр бүл, хүүхдийн хэргийн анхан шатны тойргийн шүүх хянан шийдвэрлэнэ.

13.Гэрлэлт цуцлуулах тухай нэхэмжлэл гаргасан шалтгаан нь Зөрчлийн тухай хуулийн 5.4 дүгээр зүйлийн 4 хэсэгт заасан Гэр бүлийн хүчирхийлэлтэй тэмцэх тухай хууль зөрчих зөрчлийн хэрэг бол прокурор, оролцогчийн саналыг үндэслэн Нийслэл дэх Гэр бүл, хүүхдийн хэргийн анхан шатны тойргийн шүүхээр уг хэргийг хянан шийдвэрлүүлэхээр Улсын дээд шүүхийн Эрүүгийн хэргийн танхимын тэргүүн хэргийн харьяаллыг өөрчлөн тогтоож болно.

14.Энэ зүйлийн 12 дахь хэсэгт заасны дагуу арван зургаагаас арван найм хүртэлх насны хүний холбогдсон зөрчлийн хэргийг хянан шийдвэрлэсэн Нийслэл дэх Гэр бүл, хүүхдийн хэргийн анхан шатны тойргийн шүүхийн шийдвэрт гаргасан гомдол, эсэргүүцлийг Гэр бүл, хүүхдийн хэргийн давж заалдах шатны шүүх, бусад нутаг дэвсгэр дэх анхан шатны шүүхийн хянан шийдвэрлэсэн арван зургаагаас арван найм хүртэлх насны хүний холбогдсон зөрчлийн хэргийн шийдвэрт гаргасан гомдол, эсэргүүцлийг харьяалах давж заалдах шатны шүүх хянан шийдвэрлэнэ.”

2 дугаар зүйл.Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны ... дугаар
сарын ...-ны өдөр

Улаанбаатар
хот

ИРГЭНИЙ ХЭРЭГ ШҮҮХЭД ХЯНАН ШИЙДВЭРЛЭХ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл.Иргэний хэрэг шүүхэд хянан шийдвэрлэх тухай хуулийн 132 дугаар зүйлийн 132.4 дэх хэсгийг доор дурдсанаар өөрчлөн найруулсугай:

“132.4.Шүүх дараах тохиолдолд эвлэрүүлэх арга хэмжээ авахгүйгээр гэрлэлтийг цуцалж болно:

132.4.1.гэрлэгчид эвлэрэх боломжгүй буюу гэрлэгчдийн хэн нэгний байнгын хүчирхийлэл дарамтаас болж гэр бүлийн гишүүдийн амь нас, эрүүл мэнд болон хүүхдийн хүмүүжилд ноцтой аюул, хор уршиг учирч болзошгүй, эсхүл учирсан нь тогтоогдсон;

132.4.2.гэрлэгчид сүүлийн таваас доошгүй жилийн хугацаанд хамтран амьдраагүй бөгөөд бага насны хүүхэдгүй, гэрлэлт цуцлуулахыг харилцан зөвшөөрсөн;

132.4.3.эд хөрөнгийн маргаантай боловч 18-аас доош насны хүүхэдгүй гэрлэгчид гэрлэлт цуцлуулахыг харилцан зөвшөөрсөн.”

2 дугаар зүйл.Иргэний хэрэг шүүхэд хянан шийдвэрлэх тухай хуулийн 16 дугаар зүйлийн 16.4 дэх хэсэг, 82 дугаар зүйлийн 82.1.3 дахь заалт, Арван хоёрдугаар бүлэг, 133 дугаар зүйлийн 133.1.2, 133.1.3, 133.1.4, 133.1.5 дахь заалт, 135 дугаар зүйлийн 135.2.1, 135.2.2, 135.2.7, 135.2.8, 135.2.9, 135.2.10, 135.2.11, 135.2.12 дахь заалт, 137, 138, 139, 140, 141, 142, 143, 144, 145, 146 дугаар зүйлийг тус тус хүчингүй болсонд тооцсугай.

3 дугаар зүйл.Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны ... дугаар
сарын ...-ны өдөр

Улаанбаатар
хот

ГЭР БҮЛИЙН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Гэр бүлийн тухай хуулийн 14 дүгээр зүйлийн 14.4 дэх хэсгийг доор дурдсанаар өөрчлөн найруулсугай:

“14.4. Гэрлэгчид эвлэрэх боломжгүй буюу гэрлэгчдийн хэн нэгний байнгын хүчирхийлэл дарамтаас болж гэр бүлийн гишүүдийн амь нас, эрүүл мэнд болон хүүхдийн хүмүүжилд ноцтой аюул, хор уршиг учирч болзошгүй, эсхүл учирсан нь тогтоогдсон, эсхүл гэрлэгчид сүүлийн таваас доошгүй жилийн хугацаанд хамтран амьдраагүй бөгөөд бага насны хүүхэдгүй, гэрлэлт цуцлуулахыг харилцан зөвшөөрсөн, эсхүл эд хөрөнгийн маргаантай боловч 18-аас доош насны хүүхэдгүй гэрлэгчид гэрлэлт цуцлуулахыг харилцан зөвшөөрсөн бол шүүх гэрлэгчдийг эвлэрүүлэх арга хэмжээ авахгүйгээр гэрлэлтийг цуцалж болно.”

2 дугаар зүйл. Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны ... дугаар
сарын ...-ны өдөр

Улаанбаатар
хот

**ЭВЛЭРҮҮЛЭН ЗУУЧЛАЛЫН ТУХАЙ ХУУЛЬД
НЭМЭЛТ, ӨӨРЧЛӨЛТ ОРУУЛАХ ТУХАЙ**

1 дүгээр зүйл.Эвлэрүүлэн зуучлалын тухай хуулийн 9 дүгээр зүйлд доор дурдсан агуулга бүхий 9.4 дэх хэсэг нэмсүгэй:

“9.4.Гэр бүлийн хэргийн эвлэрүүлэн зуучлах ажиллагааг шүүх дэх эвлэрүүлэн зуучлагч явуулах бөгөөд эвлэрүүлэн зуучлагчид энэ хуулийн 9.1, 9.2-т заасан шаардлагаас гадна хүүхэд, гэр бүлийн чиглэлээр сургалтад хамрагдсан байх тусгай шаардлага тавигдана.”

2 дугаар зүйл.Эвлэрүүлэн зуучлалын тухай хуулийн 32 дугаар зүйлийн 32.3 дахь хэсгийн “тэтгэмж,” гэсний дараа “хүүхдийн асрамж, тусдаа амьдрах эцэг, эсхүл эх нь хүүхэдтэйгээ уулзах уулзалт тогтоох,” гэж нэмсүгэй.

3 дугаар зүйл.Эвлэрүүлэн зуучлалын тухай хуулийн 3 дугаар зүйлийн 3.1 дэх хэсгийн “гэр бүлийн эрх зүйн харилцаанаас үүссэн маргаанд” гэснийг “гэр бүлийн хэрэгт” гэж, 6 дугаар зүйлийн 6.3 дахь хэсгийн “гэр бүлийн харилцаанаас үүссэн маргааны” гэснийг “гэр бүлийн хэрэгт” гэж, 32 дугаар зүйлийн гарчгийн “Гэр бүлийн холбогдолтой маргааныг” гэснийг “Гэр бүлийн хэргийг” гэж, мөн зүйлийн 32.1 дэх хэсгийн “гэр бүлийн холбогдолтой маргаанд” гэснийг “гэр бүлийн хэрэгт” гэж тус тус өөрчилсүгэй.

4 дүгээр зүйл.Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны ... дугаар
сарын ...-ны өдөр

Улаанбаатар
хот

**ШҮҮХИЙН ШИЙДВЭР ГҮЙЦЭТГЭХ ТУХАЙ ХУУЛЬД НЭМЭЛТ
ОРУУЛАХ ТУХАЙ**

1 дүгээр зүйл.Шүүхийн шийдвэр гүйцэтгэх тухай хуулийн 6 дугаар зүйлд доор дурдсан агуулга бүхий 6.2.7 дахь заалт нэмсүгэй:

“6.2.7.Гэр бүлийн хэрэг шүүхэд хянан шийдвэрлэх тухай хуульд заасан гэр бүлийн хэрэг хянан шийдвэрлэх урьдчилсан арга хэмжээ авах тухай шүүгчийн захирамж.”

2 дугаар зүйл.Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны ... дугаар
сарын ...-ны өдөр

Улаанбаатар
хот

**ЗӨРЧЛИЙН ТУХАЙ ХУУЛЬД НЭМЭЛТ
ОРУУЛАХ ТУХАЙ**

1 дүгээр зүйл.Зөрчлийн тухай хуулийн 15.7 дугаар зүйлд доор дурдсан агуулга бүхий 3 дахь хэсэг нэмсүгэй:

“3.Өсвөр насны яллагдагч, шүүгдэгч Эрүүгийн хэрэг хянан шийдвэрлэх тухай хуулийн 14.15 дугаар зүйлд заасан таслан сэргийлэх арга хэмжээг зөрчсөн бол түүний батлан даагч хүнийг гурван зуун нэгжтэй тэнцэх хэмжээний төгрөгөөр торгоно.”

2 дугаар зүйл.Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны .. дугаар
сарын ..-ны өдөр

Улаанбаатар
хот

ШҮҮХ БАЙГУУЛАХ ТУХАЙ ХУУЛЬД
ӨӨРЧЛӨЛТ ОРУУЛАХ ТУХАЙ

1 дүгээр зүйл. Шүүх байгуулах тухай хуулийн 1 дүгээр зүйлийн Гурав дахь хэсгийн 1 дэх заалтад “Монгол Улсын засаг захиргаа, нутаг дэвсгэрийн бүх нэгж” гэснийг “Нийслэлийн Баянгол, Баянзүрх, Сонгинохайрхан, Сүхбаатар, Чингэлтэй, Хан-Уул дүүргийн засаг захиргаа, нутаг дэвсгэрийн бүх нэгж” гэж өөрчилсүгэй.

2 дугаар зүйл. Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны .. дугаар
сарын ..-ны өдөр

Улаанбаатар
хот

ГЭР БҮЛИЙН ХЭРЭГ ШҮҮХЭД ХЯНАН ШИЙДВЭРЛЭХ ТУХАЙ ХУУЛИЙГ ДАГАЖ МӨРДӨХ ЖУРМЫН ТУХАЙ

1 дүгээр зүйл. Гэр бүлийн хэрэг шүүхэд хянан шийдвэрлэх тухай хуулийн 19, 20, 21, 22, 23 дугаар зүйл, Дөрөвдүгээр бүлгийг 2027 оны 01 дүгээр сарын 01-ний өдрөөс эхлэн дагаж мөрдөнө.

2 дугаар зүйл. Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болж дагаж мөрдөхөөс өмнө үүсгэсэн гэр бүлийн хэрэг, хүлээн авсан нэхэмжлэлийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болохоос өмнө уг харилцааг зохицуулж байсан хуулиар хянан шийдвэрлэх бөгөөд нэхэмжлэлийг хүлээн авсан, иргэний хэрэг үүсгэсэн тухайн шүүх хэргийг анхан шатны журмаар, тус шүүхийг харьяалах давж заалдах шатны шүүх давж заалдах журмаар тус тус хянан шийдвэрлэнэ.

3 дугаар зүйл. Гэр бүлийн хэрэг шүүхэд хянан шийдвэрлэх тухай хуультай хамт баталсан Эрүүгийн хэрэг хянан шийдвэрлэх тухай хуульд нэмэлт, өөрчлөлт оруулах тухай хуулийг дагаж мөрдөхөөс өмнө үүсгэсэн өсвөр насны хүн холбогдсон эрүүгийн хэргийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болохоос өмнө уг харилцааг зохицуулж байсан хуулиар хянан шийдвэрлэх бөгөөд эрүүгийн хэрэг үүсгэсэн шүүх анхан шатны журмаар, тус шүүхийг харьяалах давж заалдах шатны шүүх давж заалдах журмаар тус тус хянан шийдвэрлэнэ.

4 дүгээр зүйл. Гэр бүлийн хэрэг шүүхэд хянан шийдвэрлэх тухай хуультай хамт баталсан Зөрчил шалган шийдвэрлэх тухай хуульд нэмэлт оруулах тухай хуулийг дагаж мөрдөхөөс өмнө үүсгэсэн арван зургаагаас арван найм хүртэлх насны хүний холбогдсон зөрчлийн хэргийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болохоос өмнө уг харилцааг зохицуулж байсан хуулиар хянан шийдвэрлэх бөгөөд зөрчлийн хэрэг үүсгэсэн шүүх анхан шатны журмаар, тус шүүхийг харьяалах давж заалдах шатны шүүх давж заалдах журмаар тус тус хянан шийдвэрлэнэ.

5 дугаар зүйл. Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2025 оны .. дугаар
сарын ..-ны өдөр

Улаанбаатар
хот

МОНГОЛ УЛСЫН ШҮҮХИЙН ТУХАЙ ХУУЛЬД
НЭМЭЛТ ОРУУЛАХ ТУХАЙ

1 дүгээр зүйл.Монгол Улсын шүүхийн тухай хуулийн 25 дугаар зүйлийн 25.8.2 дахь заалтын “шийдвэрлэх” гэсний дараа “, бүрэлдэхүүний тоог батлах” гэж нэмсүгэй.

2 дугаар зүйл.Энэ хуулийг Гэр бүлийн хэрэг шүүхэд хянан шийдвэрлэх тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ИХ ХУРЛЫН ТОГТООЛ

2025 оны ... дугаар
сарын ...-ны өдөр

Дугаар ...

Улаанбаатар
хот

ХУУЛЬ БАТЛАГДСАНТАЙ ХОЛБОГДУУЛАН АВАХ ЗАРИМ АРГА ХЭМЖЭЭНИЙ ТУХАЙ

Монгол Улсын Их Хурлын тухай хуулийн 5 дугаар зүйлийн 5.1 дэх хэсэг, Монгол Улсын Их Хурлын чуулганы хуралдааны дэгийн тухай хуулийн 44 дүгээр зүйлийн 44.5 дахь хэсгийг тус тус үндэслэн Монгол Улсын Их Хурлаас ТОГТООХ нь:

1.Гэр бүлийн хэрэг шүүхэд хянан шийдвэрлэх тухай хууль батлагдсантай холбогдуулан, Шүүх байгуулах тухай хууль /Шинэчилсэн найруулга/-ийн 1 дүгээр зүйлийн Гурав дахь хэсэг, 2 дугаар зүйлийн Дөрөв дэх хэсгийн хэрэгжилтийг хангах хүрээнд дараах арга хэмжээг авч, хэрэгжүүлэхийг Монгол Улсын Засгийн газар /Г.Занданшатар/-т даалгасугай:

1/Гэр бүл, хүүхдийн хэргийн анхан болон давж заалдах шатны тойргийн шүүхийн онцлог, зориулалтын шаардлага хангасан шүүхийн барилга байгууламж шинээр барих газрын асуудлыг 2027 оноос өмнө шийдвэрлэх арга хэмжээг авах;

2/Гэр бүл, хүүхдийн хэргийн анхан болон давж заалдах шатны тойргийн шүүхийн онцлогт нийцсэн зориулалтын шаардлага хангасан шүүхийн байр шинээр барихад шаардагдах зардлыг 2027 оны төсөвт суулгаж, санхүүжүүлэх;

3/Гэр бүлийн нөхцөл байдлын шинжээчийн зардалыг 2027 оны төсөвт суулгаж, санхүүжүүлэх.

2.Гэр бүлийн хэрэг шүүхэд хянан шийдвэрлэх тухай хууль батлагдсантай холбогдуулан дараах арга хэмжээ авахыг Шүүхийн сургалт, судалгаа, мэдээллийн академи /Д.Эрдэнэчимэг/-д зөвлөсүгэй:

1/Гэр бүл, хүүхдийн хэргийн анхан шатны тойргийн шүүх болон тус шүүхийн харьяалах нутаг дэвсгэрийн бус бусад анхан шатны шүүхэд ажиллах гэр бүлийн нөхцөл байдлын шинжээч, эвлэрүүлэн зуучлагчийн хорооны гишүүн эвлэрүүлэн зуучлагчийг сургах;

2/Гэр бүл, хүүхдийн хэргийн анхан шатны тойргийн шүүх болон тус шүүхийн харьяалах нутаг дэвсгэрийн бус бусад анхан шатны шүүхэд ажиллах мэргэшсэн шүүгчдийг шинээр батлагдсан хууль тогтоомж, хүүхэд, гэр бүлийн чиглэлээр сургах;

3/Анхан шатны шүүх бүрд томилогдсон эвлэрүүлэн зуучлалын шүүгчийг сургах.

3.Өсвөр насны хүнд авагдсан хүмүүжлийн чанартай албадлагын арга хэмжээг хүүхдийн асуудал эрхэлсэн төрийн захиргааны байгууллага /Б.Баярсайхан/, хүүхдийн эрхийн хууль зүйн хороо, шүүхийн шийдвэр гүйцэтгэх байгууллагатай

хамтран хэрэгжүүлэх төлөвлөгөө гаргаж, бэлтгэл ажлыг хангахыг Шүүхийн шийдвэр гүйцэтгэх ерөнхий газар /Б.Нандинболор/, аймаг, нийслэлийн Засаг дарга нарт тус тус даалгасугай.

4.Энэ тогтоолын биелэлтэд хяналт тавьж ажиллахыг Монгол Улсын Их Хурлын Хууль зүйн байнгын хороо /Д.Цогтбаатар/-нд даалгасугай.

5.Энэ тогтоолыг 2025 оны ... сарын ...-ны өдрөөс эхлэн дагаж мөрдсүгэй.

Гарын үсэг